



ZARAUZKO UDALA
EUSKARA DEPARTAMENTUA

Euskara ikastaroak egiteko dirulaguntzak emateko 2026ko deialdia

XEDAPEN HAUEK EZARTZEN DITUZTE OINARRI ARAUTZAILEAK:

- Zarauzko Udaleko dirulaguntzen ordenantza orokor arautzailea (Gipuzkoako Aldizkari Ofiziala, 2024ko apirilaren 5ekoa, 66 zk.).
- Euskara ikastaroak egiteko dirulaguntzak emateko oinarri espezifikoak (Gipuzkoako Aldizkari Ofiziala, 2024ko apirilaren 5ekoa, 66 zk.).

Zarautz, 2026ko ekaina



ZARAUZKO UDALA EUSKARA DEPARTAMENTUA

Zarauzko Udaleko Euskararen Ordenantzak 41. artikuluan dio Udalak neurri egokiak hartuko dituela euskara gizarte esparru guztietan erabil dadin eta, oro har, gizarte bizitzan euskararen presentzia gehi dadin. Horretarako, ordenantzaren arabera, bitartekoetako bat euskararen zabalpen funtzionala da, alegia, elebidunen kopurua handitzea eta hobetzea, euskara ez dakitenek ikasteko bideak jartzea, eta dakitenak alfabetatu daitezen bitarteko egokiak bideratzea.

Zarauzko Udalari oso garrantzitsua iruditzen zaio helduen euskalduntzean eta alfabetatzean eragitea. Horrexegatik, hain zuzen ere, aurrekontu-partida bat ezarri du 2025-2026 ikasturtean zehar euskalduntze ikastaroetara doazen Zarauzko biztanleei bekak emateko.

1.- HELBURUA

Deialdiaren xedea ondorengo da: 2025-2026 ikasturtean zehar helduentzako euskalduntze eta alfabetatze ikastaroak egin dituzten zarauztar orori dirulaguntzak emateko baldintzak arautzea. Eta hori guztia Zarauzko Udalaren dirulaguntzak arautzen dituen ordenantzak ezartzen duena kontuan izanik.

2.- LAGUNTZAK EMATEKO PROZEDURA

Laguntza hauek norgehiagoka erregimenean emango dira.

3.- ONURADUNAK

Onuradunak honako baldintza hauek bete beharko ditu:

- Euskalduntze- edo alfabetatze-ikastaroren bat egitea 2025-2026 ikasturtean.
- Dirulaguntzaren xede den ikastaroak irauten duen bitartean Zarauzko udalerrian erroldatuta egotea.
- Ikastaroan eskainitako orduen %80 hartzea gutxienez. Hartutako orduen ehunekoa (%) kalkulatzeko, ikasleak ikastaroa noiz hasi duen hartuko da kontuan.

Onuradun izateko debekua:

Dirulaguntza hauek ezingo ditu jaso ondorengo zirkunstantziaren batean dagoenak:

- Azaroaren 17ko 38/2003 Legeak, Dirulaguntzei buruzkoak, 13. artikuluan aurreikusten duen egoeraren batean daudenak.
- Uztailaren 28ko 26/2015 Lege Organikoak jarritakoaren arabera, sexu-delituengatik zigor administratiboak, laboralak edo penalak jaso dituzten pertsona fisiko nahiz juridikoak.
- Emakume eta Gizonen Benetako Berdintasunari buruzko martxoaren 22ko 3/2007 Lege Organikoan eta 1/2023 Legegintzako Dekretua, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duena.
- Emakume eta gizonen arteko berdintasunaren printzipioaren aurkako helburuak, sarbide-sistemak, funtzionamendua, ibilbidea, jarduera, antolaketa edo estatutuak dituzten, eta sexuaren, ideologiaren, jaioterriaren,



ZARAUZKO UDALA EUSKARA DEPARTAMENTUA

nazionalitatearen edo sexu-joeraren ziozko diskriminazioa egiten duten pertsona fisiko nahiz juridikoak (Emakumeen eta Gizonen Berdintasunerako Zarauzko Udal Ordenantzaren 40. artikulua).

- Berdintasunerako eta sexuagatik diskriminatuta ez izateko eskubidea urratzeagatik zigor administratibo, laboral edo penalak jaso dituzten pertsona fisiko nahiz juridikoak (Emakumeen eta Gizonen Berdintasunerako Zarauzko Udal Ordenantzaren 40. artikulua).

4.- ESKARIAK AURKEZTEKO LEKUA ETA EPEA

Inprimakiak (**Euskarako 7.7A eta 7.7B ereduak**) osorik eta ongi beteta aurkeztu beharko dira.

- Udaletxea (HAZ - Herritarren Arreta Departamentua, Kale Nagusia 29):
astelehenetik ostiralera, 7:30etik 15:00etara
ostegunetan, goizez 8:30etik 14:30etara eta arratsaldez 16:30etik 19:00etara

Uztailaren 1etik irailaren 10era:

astelehenetik ostiralera, 7:30etik 15:00etara
ostegun arratsaldeetan itxita

- Zarauzko Udalaren zerbitzu telematikoen bidez: [ESKAERA TELEMATIKOA](#)

Eskabidearekin batera, bertan adierazten den dokumentazioa aurkeztu beharko da.

Edonola ere, dirulaguntzaren eskaera ikastaroa bukatu ondoren egingo du ikasleak, ondorengo bi epe hauetakoren batean:

ESKAERAK AURKEZTEKO EPEA		
Gaia	Epearen hasiera	Epearen amaiera
2026ko uztaila baino lehen bukatutako ikastaroak	2026ko ekainaren 29a	2026ko uztailaren 10a
2026ko uztailetik irailera bitartean egindako ikastaroak	2026ko irailaren 28a	2026ko urriaren 9a

5.- ZUZKIDURA ETA AURREKONTUKO PARTIDA

Dirulaguntza-eskaria **ekainaren 29tik uztailaren 10era** bitartean egin behar den laguntzearako, **35.937,00** euroko kopurua jarriko da 2026. urtean, ondorengo partidaren kontura: 1 0701.481.01.335.00 2026 04319 "Euskara sustatzeko dirulaguntzak".

Era berean, dirulaguntza-eskaria **irailaren 28tik urriaren 9ra** bitartean egin behar den laguntzearako, **3.500,00** euroko kopurua jarriko da 2026. urtean, ondorengo partidaren kontura: 1 0701.481.01.335.00 2026 04319 "Euskara sustatzeko dirulaguntzak".

Dena den, ekonomia-ekitaldi baten barruan emango diren laguntzen bolumen osoak ez du gaindituko diru-kontsignazio hori.



ZARAUZKO UDALA EUSKARA DEPARTAMENTUA

Lehenengo aldian, alegia, dirulaguntza-eskaria **ekainaren 29tik uztailearen 10era** bitartean egin dutenen artean, ordaindu beharreko kantitatea handiagoa bada aurrekontuan horretarako izendatutako kopurua baino, orduan, banaketa proportzionala egingo da eskatzaile bakoitzari aldi horretarako dagokion zenbatekoan.

Bigarren aldian, alegia, dirulaguntza-eskaria **irailaren 28tik urriaren 9ra** egin dutenen artean, ordaindu beharreko kantitatea handiagoa bada aurrekontuan horretarako izendatutako kopurua baino, orduan, banaketa proportzionala egingo da eskatzaile bakoitzari aldi horretarako dagokion zenbatekoan.

Baimendutako gastuaren zenbatekoa handitu edo murriztu ahal izango du aldaketaren zenbatekoaren arabera eskumena esleituta duen organoak, dirulaguntza ematea ebatzi baino lehen. Dena den, horrek ez du beste deialdi bat egitea ekarriko.

Aldi baten amaieran dagozkion dirulaguntzak eman badira eta eman beharreko gehieneko zenbatekoa agortu ez bada, aplikatu ez den kopurua ondorengo ebazpenetara eraman ahal izango da.

6.- AURKEZTU BEHARREKO AGIRIAK

Eskaera inprimakiarekin batera (7.7A Eranskina), agiri hauek aurkeztu behar ditu eskatzaileak:

- a) Eskatzailearen NANaren fotokopia.
- b) Matrikularen ordainagiria.
- c) Euskaltegiaren agiria, eskatzailearen asistentzia (%tan), ikastaroaren ordu teorikoak eta ikasleak gainditutako maila-kopurua adieraziko dituen.
- d) Ikastaroa, Zarauzko euskaltegietatik kanpoko euskaltegiren batean egiten bada, hori horrela egitearen arrazoiak zeintzuk diren azaldu beharko da idatziz. Kanpoan egindako ikastaro berbera Zarautzen egiterik balego, ez da dirulaguntzarik emango.
- e) Langabeen kasuan, **“Lan bizitzaren ziurtagiria”** (ikasturteak irauten duen bitartean LANBIDEn izena emanda egon beharko du eskatzaileak).
- f) Xede bererako eskatutako edo jasotako beste dirulaguntzei buruzko eta 2. artikulua 2d) puntuan zehazten den dirulaguntza publikoak jasotzeko debekurik ez izatearen inguruko erantzukizunpeko adierazpenaren inprimakia. (7.7.B Eranskina)
- g) Zerga betebeharrak eta Gizarte Segurantzarekikoak egunean dituela egiaztatzen duen erantzukizunpeko adierazpenaren inprimakia. (7.7.B Eranskina)

Zarauztarra izatearen baldintza Udalak berak egiaztatuko du Udal Erroldaren bidez.

Era berean, Zarauzko Udal Euskaltegiko ikastaroren baterako dirulaguntza eskaria egin dutenen kasuan, Udalak berak egiaztatuko du ikastaroan hartutako orduen ehuneko euskaltegiko datu-basearen bidez.

Nolanahi ere, eskatzaileei behar besteko informazio osagarria eskatu ahal izango zaie eskatutako dirulaguntza behar bezala baloratu ahal izateko.



ZARAUZKO UDALA
EUSKARA DEPARTAMENTUA

7.- DIRULAGUNTZAK ESLEITZEKO ETA ZENBATEKOAK ZEHAZTEKO IRIZPIDEAK

Eman beharreko dirulaguntzak kalkulatzeko, honako irizpideok hartuko dira kontuan, beti ere d) atalean ezarritako mugen arabera:

- a) **Euskalduntze eta alfabetatze ikastaroak:**
 - 1. Ikastaroak irauten duen bitartean langabezia-txartela duen ikasleak: ordaindutako matrikularen %100 izango da bekaren zenbatekoa.
 - 2. Gainerakoak: ikasleak ordaindutako matrikularen %75 izango da bekaren zenbatekoa.
- b) **Udan egindako euskara ikastaroak**
 - 1. Ikastaroak irauten duen bitartean langabezia-txartela duen ikasleak: ordaindutako matrikularen %75 izango da bekaren zenbatekoa.
 - 2. Gainerakoak: ikasleak ordaindutako matrikularen %50 izango da bekaren zenbatekoa.
- c) Gainera, Udalak dirulaguntzetan ordaindu beharreko kantitatea handiagoa bada aurrekontuan horretarako izendatutako kopurua baino, kasu horretan banaketa proportzionala egingo da eskatzaile guztien artean.
- d) Eskatzaile bakoitzak ikastaro mota bat baino gehiagorako dirulaguntza eska dezake, baina urteko gehienez ere 500,00 euro jaso ahal izango ditu. Baina, ikastaroren bat barnetegian egiten bada, gehienez ere 700,00 euro jaso ditzake.
- e) Barnetegietako ikasleen kasuan, diruz lagundu daitekeen gastua eskola-orduen matrikularen zenbatekoari egokituko zaio; ez da laguntzarik emango mantenu-eta ostatu-gastuetarako.

8.- BATERAGARRITASUNA

Emango den dirulaguntza bateragarria izango da xede berarekin jasotako beste edozeinekin, baldin eta gainfinantziatorik ez badago laguntzen den xedearen guztirako kostuan. Horrelakoetan, dagozkion kenketak egingo dira, aldea ez ordainduz edo dagokion kopurua itzultzeko eskatuz.

Zarauzko Udalak eskubidea izango du eskatzaile bakoitzak emandako edozein datu beste administrazio publiko batzuekin erkatzeko, eta beti deialdi honen xedeko gaiaren barruan.

2025/2026 ikasturtean HABEren mailaren bat edo baliokideren bat egiaztatzen duten ikasleek HABEk 2026. urtean euskara-ikasleentzako egingo duen dirulaguntzetarako deialdian parte hartu beharko dute. Zarauzko Udalaren dirulaguntza HABEk emandakoaren osagarria izango da.



ZARAUZKO UDALA EUSKARA DEPARTAMENTUA

9.- EBAZPENA ETA JAKINARAZPENA

Prozeduraren ebazpenak administrazio-bidea amaituko du, eta ebazteko eta jakinarazteko gehieneko epea sei hilabetekoa izango da. Deialdia argitaratzen denetik aurrera hasiko da kontatzen epe hori.

Prozeduraren ebazpena interesdunei jakinaraziko zaie, Herri Administrazioen Administrazio Prozedura Erkidearen 39/2015 Legeko 40. artikuluan aurreikusitakoaren arabera, eta lege horretako 42 eta 44 artikuluek jasotzen dituzten xedapenen arabera tramitatuko da; betiere, emandako dirulaguntzak Zarauzko Udalaren web-gunean argitaratzea baztertu gabe.

Organo eskudunak

- Antolamendua eta instrukzioa (Instrukzio-organoa): Euskara Departamentuko arduraduna.
- Azterketa eta balorazioa (Balioespen Batzordea): Kide anitzeko organo bat, Herritarren arloko Informazio-batzordeko kideek osatutakoa.
- Ebazpena (Organo eskuduna): Alkatetzari edo Tokiko Gobernu Batzarrari egokituko zaio, Udalaren administrazio-antolamenduan une bakoitzean indarrean diren eskumenekin eta aldi bateko eskuordetzeekin bat etorriz.

10.- ERREKURTSOAK

Interesdunek, zuzenean, administrazioarekiko auzi errekurtsua aurkez dezakete deialdi honen aurka Administrazioarekiko Auzietako Donostiako Epaitegietan, deialdia argitaratu eta biharamunetik hasita bi hilabeteko epean.

Hala ere, partikularrek aukera dute horren aurretik hautazko berraztertze-errekurtsua aurkezteko, oinarri hauek onartu dituen organo eskudunaren aurrean, argitaratu eta biharamunetik hasita hilabeteko epean. Hori eginez gero, ezingo da administrazioarekiko auzi errekurtsorik aurkeztu, harik eta berraztertze-errekurtsoarekin berriazko ebazpena eman arte edo ustezko ezespina gertatu arte. Dena dela, egoki irizitako beste edozein errekurtsu aurkez daiteke.